



---

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2189-6-2/25– AA/AA

Tuzla, 09.03.2026. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije za provođenje postupka ugovaranja usluga skrininga za 2026. godinu, donosi se

**O D L U K A**  
**o izboru ponuđača**  
**u postupku nabavke usluga skrininga za 2026. godinu**  
**LOT 2 - Program skrininga karcinoma debelog crijeva**  
**Kolonoskopija**

**I**

Cijeneći Preporuku Komisije za nabavku usluga skrininga za 2026. godinu, LOT 2 - Program skrininga karcinoma debelog crijeva - Kolonoskopija za koje je na Portalu javnih nabavki objavljeno Obavještenje o nabavci usluge iz Aneksa II broj: 793-9-2-4-22-51/26 od 20.02.2026. godine, biraju se ponuđači kako slijedi:

1. JZU UKC Tuzla,
2. JZU Opća bolnica "Dr. Mustafa Beganović" Gračanica i
3. PZU Opća i Specijalna bolnica „PLAVA MEDICAL GROUP“ Tuzla.

**II**

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu („Službene novine TK“ broj: 17/25).

**III**

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje Ugovora i usvajanjem Odluke Upravnog odbora Zavoda zdravstvenog osiguranja TK o davanju saglasnosti na zaključivanje Ugovora, ovaj Ugovorni organ će sa izabranim ponuđačima zaključiti Ugovor o realizaciji usluga skrininga karcinoma debelog crijeva - Kolonoskopija za 2026. godinu.

**IV**

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

**V**

Ova Odluka stupa na snagu danom donošenja.

## OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu („Službene novine TK“, broj: 17/25), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Saglasnosti Ministarstva zdravstva TK broj: 13/1-33-380/26 od 09.01.2026. godine, dana 20.02.2026. godine objavljen je Javni poziv za dostavu ponuda za ugovaranje usluga skrininga za 2026. godinu broj: 03-11-1-2189-3/25-JE/AA.

Predmet nabavke je podjeljen na LOT-ove kako slijedi:

- LOT 1 - Program skrininga karcinoma debelog crijeva za 2026. godinu - Test na okultno krvarenje (FOBT)
- LOT 2 - Program skrininga karcinoma debelog crijeva za 2026. godinu - Kolonoskopija
- LOT 3 - Program skrininga karcinoma prostate za 2026. godinu i
- LOT 4 - Program skrininga zuba kod djece upisane u prvi razred za 2026 godinu.

Ponudu za ugovaranje Program skrininga karcinoma debelog crijeva za 2026. godinu - Kolonoskopija su do utvrđenog krajnjeg roka dostavili sljedeći ponuđači:

1. JZU UKC Tuzla,
2. JZU Opća bolnica "Dr. Mustafa Beganović" Gračanica i
3. PZU Opća i Specijalna bolnica „PLAVA MEDICAL GROUP“ Tuzla.

Uvidom u navedene ponude, utvrđeno je da su iste prihvatljive.

Također, utvrđeno je da su svi ponuđači ponudili cijenu od 200 KM, a koja je u skladu sa odlukom Upravnog odbora Zavoda utvrđena kao maksimalna.

U skladu sa navedenim, postupajuća Komisija je dala preporuku Ugovornom organu da se ugovor dodijeli ponuđačima kao u dispozitivu ove Odluke.

Cijene po kojima će se vršiti realizacija ugovora, u skladu sa odlukom Upravnog odbora Zavoda iznosi 200 KM.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u dispozitivu ove Odluke.

### UPUTSTVO O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

#### Dostavljeno:

1. Ponuđačima (e-mail)
2. a/a



DIREKTOR

  
Doc. dr. sc. Denis Husić, dipl. pravnik